



SURAT EDARAN PENTADBIRAN
BILANGAN 21 TAHUN 2016

**PROSES TUNTUTAN GANTI RUGI BERLAKU
KEMALANGAN DI DALAM KAWASAN
UNIVERSITI TEKNIKAL MALAYSIA MELAKA**

Pejabat Pendaftar
23 Ogos 2016

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasilitas)
Pegawai-Pegawai Kanan
YDP Majlis Perwakilan Pelajar

SURAT EDARAN PENTADBIRAN BIL. 21/2016

PROSES TUNTUTAN GANTI RUGI BERLAKU KEMALANGAN DI DALAM KAWASAN UNIVERSITI TEKNIKAL MALAYSIA MELAKA

1.0 TUJUAN

Surat Edaran Pentadbiran ini dikeluarkan bertujuan memaklumkan kepada seluruh warga Universiti berkaitan proses tuntutan ganti rugi jika berlaku kemalangan di dalam kawasan Universiti Teknikal Malaysia Melaka.

2.0 LATAR BELAKANG

2.1 Kampus Induk, Universiti Teknikal Malaysia Melaka (UTeM) adalah berdasarkan konsep Universiti Terbuka di mana jalan raya Universiti ini digunakan sebagai jalan pintas kepada orang awam untuk melalui dua lokasi Ayer Keroh – Kesang, Jasin. Mereka boleh menggunakan laluan tersebut namun perlu mematuhi peraturan yang ditetapkan oleh Universiti.

2.2 Konsep laluan terbuka ini memungkinkan terjadinya kemalangan di laluan tersebut kerana peningkatan penggunaan kenderaan di dalam kampus. Kadar kemalangan di dalam kawasan Universiti kini perlu diberi perhatian dengan berlakunya kemalangan melibatkan pelajar UTeM serta kemalangan melibatkan orang awam yang menggunakan jalan di dalam kawasan UTeM.

2.3 Selain itu, kemalangan di dalam kampus juga ada melibatkan orang luar yang menyebabkan kerosakan harta benda Universiti. Perkara ini dipandang serius dan perlunya satu garis panduan bagi tuntutan ganti rugi terhadap harta benda Universiti yang rosak disebabkan oleh kemalangan.

2.4 Sehubungan itu, satu prosedur proses tuntutan ganti rugi berlaku kemalangan di dalam kawasan UTeM melibatkan warga Universiti atau orang luar diwujudkan bagi dijadikan garis panduan apabila berlaku kemalangan yang melibatkan kerosakan harta benda Universiti.

2.5 Terdapat tiga langkah prosedur proses tuntutan ganti rugi berlaku kemalangan di dalam kawasan UTeM iaitu :-

a) Pejabat Keselamatan

- i) Menerima laporan/aduan mengenai kemalangan daripada pelapor atau sistem Rakan Keselamatan Universiti.
- ii) Bilik kawalan akan memberi maklumat berkaitan kepada Ketua Shif/Unit Trafik/Pegawai Keselamatan untuk ke lokasi kejadian.
- iii) Laporan akan disediakan oleh Pejabat Keselamatan berserta segala maklumat :-
 - Gambar kejadian
 - Gambar harta benda yang rosak
 - Maklumat individu yang terlibat dalam kemalangan
- iv) Menghantar laporan kepada Naib Canselor/Pejabat Pembangunan/Pejabat Penasihat Undang-Undang untuk tindakan selanjutnya.

b) Pejabat Pembangunan

- i) Menerima laporan lengkap mengenai kes kemalangan dari Pejabat Keselamatan.
- ii) Pejabat Pembangunan ke lokasi kejadian untuk membuat penilaian terhadap kerosakan harta benda berkenaan.
- iii) Menghantar surat tuntutan kepada yang berkenaan.

c) Pejabat Penasihat Undang-Undang

- i) Menerima laporan daripada Pejabat Pembangunan berkaitan kegagalan membuat pembayaran ganti rugi.
- ii) Mengeluarkan surat peringatan kepada yang berkenaan.

3.0 TARIKH KUAT KUASA

3.1 Surat Edaran Pentadbiran ini berkuat kuasa mulai dari tarikh ianya dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/keselamatan